



Broj: 01/1-50-1-26-26/04.

Sarajevo: 30.04.2004.

**Z A P I S N I K**  
**sa 26. sjednice Ustavno - pravne komisije**

Sjednica je održana 30.04.2004. godine s početkom u 10,00 sati.

Sjednici su prisustvovali članovi Komisije:

- |                        |                 |
|------------------------|-----------------|
| 1. Mirsad Ćeman,       | 6. Beriz Belkić |
| 2. Martin Raguž,       |                 |
| 3. Petar Kunić,        |                 |
| 4. Ivo Miro Jović,     |                 |
| 5. Momčilo Novaković i |                 |

Članovi Komisije: Seada Palavrić, Nijaz Duraković i Tihomir Gligorić su najavili odsustvo sa sjednice.

Sjednici su prisustvovali: predstavnici Vijeća ministara BiH: Safet Halilović, Niko Grubišić, Jusuf Halilagić, Srđan Arnaut, Krdžalić Alija, Esad Tuzović i Sead Kilalić, predstavnik Predsjedništva BiH Alma Čolo., predstavnici OHR-a IJC Urke, SEED-a Lada Buševac, OSCE-a: Maria Prsa, Aleksandar Vuković i Kristine Zandviliet, Vijeća Evrope: Dasha Kurzman, Emir Adžović, Svjetske Banke Goran Đapić, Sean-Luc Bernascon, i iz Udruženja medijatora BiH Goran Salihović.

Sjednici je prisustvovao sekretar Komisije Milan Zjajić, i Golijanin Nevena - student stažista.

Mirsad Ćeman je pozdravio prisutne i predložio sljedeći:

**D N E V N I R E D**

1. Verifikacija Zapisnika sa 25. sjednice, održane 16.04.2004. godine,
2. Prijedlog zakona o izmjenama i dopunama Zakona o Ombudsmanu za ljudska prava Bosne i Hercegovine, predlagač Predsjedništvo BiH,
3. Prijedlog zakona o osnivanju Instituta za mjeriteljstvo/meteorologiju BiH, predlagač, Vijeće ministara BiH,
4. Prijedlog zakona o osnivanju Instituta za intelektualno vlasništvo BiH, predlagač, Vijeće ministara BiH,
5. Prijedlog zakona o osnivanju Instituta za standardizaciju BiH, predlagač, Vijeće ministara BiH,
6. Prijedlog zakona o izmjenama Zakona o carinskoj politici Bosne i Hercegovine, predlagač Vijeće ministara BiH,
7. Prijedlog zakona o izmjenama Zakona o vanjskotrgovinskoj politici Bosne i Hercegovine, predlagač Vijeće ministara BiH,
8. Prijedlog zakona o izmjenama i dopunama Zakona o državnoj službi u institucijama Bosne i Hercegovine, predlagač poslanik Tihomir Gligorić,
9. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, predlagač poslanik Vinko Zorić,
10. Prijedlog zakona o parničnom postupku pred Sudom BiH, predlagač Vijeće ministara BiH,
11. Prijedlog okvirnog zakona o visokom obrazovanju u BiH, predlagač Vijeće ministara BiH,
12. Prijedlog zakona o Visokom sudskom i tužilačkom vijeću BiH, predlagač Vijeće ministara BiH,
13. Prijedlog zakona o postupku medijacije, predlagač Vijeće ministara BiH,
14. Prijedlog zakona o sprečavanju pranja novca, predlagač Vijeće ministara BiH,
15. Inicijativa Kluba poslanika HDZ-Demokršćani na temu ustavnog uređenja i eventualnih ustavnih promjena – priprema stajališta za javnu raspravu,
16. Amandmani na Ustav BiH - predlagači poslanici Elmir Jahić i Mirsad Ćeman,

17. Amandmani na Ustav BiH - predlagač poslanik Jozo Križanović,
18. Zahtjev Ustavnog suda BiH za izjašnjenje u postupku za ocjenu ustavnosti Zakona o izmjenama i dopunama Zakona o izbjeglicama iz BiH i raseljenim osobama u BiH,
19. Ostala pitanja.

Predloženi dnevni red je jednoglasno prihvaćen.

**Ad. 1. Verificiranje Zapisnika sa 25. sjednice, održane 16.04.2004. godine,**

Bez primjedbi, Zapisnik sa 25. sjednice je jednoglasno verificiran.

**Ad. 2. Prijedlog zakona o izmjenama i dopunama Zakona o Ombudsmanu za ljudska prava Bosne i Hercegovine, predlagač Predsjedništvo BiH,**

Nakon provedene rasprave, Ustavno-pravna komisija Predstavničkog doma je sa jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama Zakona o Ombudsmanu za ljudska prava Bosne i Hercegovine,
2. Ustavni osnov sadržan je u članu IV tačka 4. a) Ustava Bosne i Hercegovine,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

**Ad. 3. Prijedlog zakona o osnivanju Instituta za mjeriteljstvo/meteorologiju BiH, predlagač, Vijeće ministara BiH,**

Nakon provedene rasprave, Ustavno-pravna komisija Predstavničkog doma je sa jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o državnoj službi u institucijama Bosne i Hercegovine,
2. Ustavni osnov sadržan je u članu IV tačka 4. a) i e) Ustava Bosne i Hercegovine, kako je naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

**Ad. 4. Prijedlog zakona o osnivanju Instituta za intelektualno vlasništvo BiH, predlagač, Vijeće ministara BiH,**

Nakon provedene rasprave, Ustavno-pravna komisija Predstavničkog doma je sa jednoglasno utvrdila sljedeće:

1. Postoji valjan ustavno-pravni osnov za donošenje Zakona o osnivanju Instituta za intelektualno vlasništvo Bosne i Hercegovine,
2. Ustavni osnov sadržan je u članu III tačka 1. b) i h) Ustava Bosne i Hercegovine, kako je naveo predlagač i članu IV tačka 4. a) Ustava Bosne i Hercegovine,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

**Ad. 5. Prijedlog zakona o osnivanju Instituta za standardizaciju BiH, predlagač, Vijeće ministara BiH,**

Nakon provedene rasprave, Ustavno-pravna komisija Predstavničkog doma je sa jednoglasno utvrdila sljedeće:

1. Postoji valjan ustavno-pravni osnov za donošenje Zakona o osnivanju Instituta za standardizaciju Bosne i Hercegovine,
2. Ustavni osnov sadržan je u članu III tačka 1. b) i h) Ustava Bosne i Hercegovine, kako je naveo predlagač i članu IV tačka 4. a) Ustava Bosne i Hercegovine,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

**Ad. 6. Prijedlog zakona o izmjenama Zakona o carinskoj politici Bosne i Hercegovine, predlagač Vijeće ministara BiH,**

Nakon provedene rasprave, Ustavno-pravna komisija Predstavničkog doma je sa jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjeni Zakona o carinskoj politici Bosne i Hercegovine,
2. Ustavni osnov sadržan je u članu III tačka 1. c) i članu IV tačka 4. a) Ustava Bosne i Hercegovine, kako je naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

**Ad. 7. Prijedlog zakona o izmjenama Zakona o vanjskotrgovinskoj politici Bosne i Hercegovine, predlagač Vijeće ministara BiH,**

Nakon provedene rasprave, Ustavno-pravna komisija Predstavničkog doma je sa jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjeni Zakona o vanjskotrgovinskoj politici Bosne i Hercegovine,
2. Ustavni osnov sadržan je u članu III tačka 1. b) Ustava Bosne i Hercegovine, kako je naveo predlagač i članu IV tačka 4. a) Ustava Bosne i Hercegovine,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

**Ad. 8. Prijedlog zakona o izmjenama i dopunama Zakona o državnoj službi u institucijama Bosne i Hercegovine, predlagač poslanik Tihomir Gligorić,**

Nakon provedene rasprave, Ustavno-pravna komisija Predstavničkog doma je sa jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o državnoj službi u institucijama Bosne i Hercegovine,
2. Ustavni osnov sadržan je u članu IV tačka 4. a) i e) Ustava Bosne i Hercegovine, kako je naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

**Ad. 9. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, predlagač poslanik Vinko Zorić,**

Nakon provedene rasprave, Ustavno-pravna komisija Predstavničkog doma je sa jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o upotrebi i zaštiti naziva Bosne i Hercegovine,
2. Ustavni osnov sadržan je u članu IV tačka 4. a) Ustava Bosne i Hercegovine, kako je naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

**Ad. 10. Prijedlog zakona o parničnom postupku pred Sudom BiH, predlagač Vijeće ministara BiH,**

Nakon iscrpne opće i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona,
2. Konstatirala da nema uložениh amandmana,
3. Jednoglasno prihvatila tekst Prijedloga zakona o parničnom postupku pred Sudom Bosne i Hercegovine, kako ga je predložilo Vijeće ministara BiH i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

## **Ad. 11. Prijedlog okvirnog zakona o visokom obrazovanju u BiH, predlagač Vijeće ministara BiH,**

Nakon iscrpne višesatne opće i rasprave o pojedinostima, Ustavno-pravna komisija je kao nadležna komisija:

1. Većinom glasova podržala principe predloženog zakona,
2. Konstatirala da su amandmane uložili poslanici: Mirsad Ćeman, Miro Ivo Jović, Petar Kunić, Momčilo Novaković i Martin Raguž. Uloženo je ukupno 68 amandmana. U toku rasprave pojedini poslanici, predlagača amandmana, su odustali od nekih svojih uložениh amandmana.

Nakon izjašnjavanja Komisija je prihvatila sljedeće amandmane:

### **Amandman I**

U članu 21. stav prvi iza riječi: "kontraverzna ili nepopularna" dodaje se riječ "stručna".

### **Amandman II**

U članu 26. iza prve rečenice dodaje se tekst koji glasi:

"Odredbe sadržane u Statutu ili ekvivalentnom aktu visokoškolske ustanove pružaju pravične i nepristrasne mehanizme rješavanja disciplinskih postupaka".

### **Amandman III**

U članu 29. pod (i) umjesto riječi: "kontraverzna i nepopularna mišljenja" treba da stoji: "kontraverzna ili nepopularna stručna mišljenja".

### **Amandman IV**

U članu 40. stav 1. riječ "Fond" mijenja se rječju "fondovi".

### **Amandman V**

U članu 45. posljednji stav se mijenja i glasi:

"Članovi odbora za rad u Odboru ne primaju nikakvu naknadu."

### **Amandman VI**

U članu 56. stav 2. riječ "pravni" mijenja se rječju "ustavopravni".

3. Većinom glasova prihvatila tekst Prijedloga okvirnog zakona o visokom obrazovanju u Bosni i Hercegovini, kako ga je predložilo Vijeće ministara BiH sa prihvaćenim amandmanima i

4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

## **Ad. 12. Prijedlog zakona o Visokom sudskom i tužilačkom vijeću BiH, predlagač Vijeće ministara BiH,**

Nakon iscrpne višesatne opće i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona,
2. Konstatirala da su amandmane uložili poslanici: Mirsad Ćeman, Beriz Belkić, Selim Bešlagić, Izet Hadžić, Miro Ivo Jović, Petar Kunić i Momčilo Novaković. Uloženo je ukupno 30 amandmana.

Nakon izjašnjavanja Komisija je prihvatila sljedeće amandmane:

### **Amandman I**

U članu 4. stav (6) se briše.

### **Amandman II**

U članu 7. iza riječi "Vijeća." dodaje se tekst: "Akt o privremenom udaljenju donosi predsjednik Vijeća, a ako se radi o predsjedniku Vijeća akt će donijeti jedan od potpredsjednika, što će se precizirati Poslovníkom o radu Vijeća."

### **Amandman III**

U članu 15. dodaje se stav (11) koji glasi: "Vijeće može primiti sredstva od međunarodnih donatora za operativni budžet Vijeća, kao i za projekte reforme pravosuđa izvan operativnog budžeta Vijeća. Ta sredstva se uplaćuju na poseban račun otvoren kod Centralne banke Bosne i Hercegovine. Sredstva se troše po nalogu direktora Sekretarijata i u skladu sa uslovima iz ugovora o donacijama, potpisanim sa donatorom."

### **Amandman IV**

U članu 18. tačka c) mijenja i glasi: "Ustavni sud Republike Srpske i Ustavni sud Federacije Bosne i Hercegovine, isključivo u skladu sa odredbama člana 17. (3)."

#### **Amandman V**

U članu 20. dodaje se novi stav 4. koji glasi: "(4) Na poziv Parlamentarne skupštine ili drugog organa iz predhodnog stava Predsjednik ili drugi ovlašteni predstavnik Vijeća će direktno na sjednici obrazložiti izvještaj i odgovoriti na pitanja poslanika, odnosno članova drugog organa. Kroz raspravu o izvještaju i zaključke mogu se dati ocjene, sugestije i prijedlozi koji ne osporavaju samostalnost Vijeća."

#### **Amandman VI**

U članu 60. stav (6) riječi: "razrješenja dužnosti" brišu se.

#### **Amandman VII**

U članu 72. stav (1) riječi: "pet (5) godina" mijenjaju se riječima: "dvije (2) godine", a posljednja rečenica u ovom stavu se briše.

U članu 72. stav (2) riječi: "dvije (2) godine" mijenjaju se riječima: "jedna (1) godina"

#### **Amandman VIII**

U članu 74. stav (2) mijenja se i glasi: Disciplinska mjera razrješenja dužnosti objavljuje se u Službenom glasniku Bosne i Hercegovine."

#### **Amandman IX**

U članu 79. stav (3) mijenja se i glasi: "Odluka Drugostepene disciplinske komisije se može pobijati podnošenjem tužbe Sudu Bosne i Hercegovine."

#### **Amandman X**

U članu 88. stav (2) na kraju briše tačka i dodaje tekst: "do odluke Vijeća o ostavci odnosno do isteka dana kada ostavka treba da stupi na snagu."

#### **Amandman XI**

Član 94. mijenja se i glasi: "Nakon reorganizacije sudova za prekršaje i ponovnog izbora sudija za prekršaje, ovaj zakon će se u skladu sa tim izmjeniti i dopuniti tako da će uključiti preostale sudove za prekršaje i sudije za prekršaje u nadležnost Visokog sudskog i tužilačkog savjeta."

Raniji član 94. postaje član 95.

#### **Amandman XII**

Član 95. (raniji član 94.) mijenja se i glasi: "Ovaj zakon će se objaviti u Službenom glasniku Bosne i Hercegovine i stupa na snagu danom objavljivanja."

3. Jednoglasno prihvatila tekst Prijedloga Visokom sudskom i tužilačkom vijeću Bosne i Hercegovine, kako ga je predložio Vijeće ministara BiH sa prihvaćenim amandmanima i

4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

#### **Ad. 13. Prijedlog zakona o postupku medijacije, predlagač Vijeće ministara BiH,**

Još na 24. sjednici održanoj 29.03.2004. Ustavno-pravna komisija je kao nadležna, nakon opće rasprave:

1. Jednoglasno podržala principe predloženog zakona i zbog određenih nedoumica i pitanja na koje nisu mogli dobiti adekvatne odgovore o predloženom zakonu od predstavnika Vijeća ministara BiH odlučila da se rasprava po ovoj tački dnevnog reda odgodi za narednu sjednicu.

Na 25. sjednici održanoj 16.04.2004. Ustavno-pravna komisija je ponovo kao nadležna komisija odgodila raspravu o ulozenim amandmanima.

Nakon iscrpne rasprave o pojedinostima, Ustavno-pravna komisija je kao nadležna komisija:

2. Konstatirala da su amandmane uložili poslanici: Mirsad Ćeman i Momčilo Novaković.

Nakon izjašnjavanja Komisija je prihvatila sljedeće amandmane:

#### **Amandman I**

U članu 1. dodaje se stav 2. koji glasi: "Poslovi medijacije posebnim zakonom se prenose na udruženje ili udruženja po proceduri utvrđenoj tim zakonom."

#### **Amandman II**

U članu 5. i cijelom tekstu zakona, riječi: "Udruženje medijatora u Bosni i Hercegovini" mijenjaju se riječju "udruženje"

U članu 5. dodaje se stav 3. koji glasi: "Pisani akt-sporazum iz stava 1. ili akt udruženja medijatora iz stava 2. ovog člana dostavlja se i ulaže u spis predmeta kod postupajućeg suda ukoliko je postupak medijacije pokrenut u toku ili nakon pokretanja sudskog postupka."

#### **Amandman III**

U članu 11. tekst iza riječi: "ovim zakonom" se mijenja riječima: "mjesto održavanja medijacije kao i odredbe o troškovima postupka, što uključuje i naknadu medijatoru."

#### **Amandman IV**

U članu 12. riječ "mjesto" mijenja se riječima: "bliže mjesto-prostorija".

#### **Amandman V**

U članu 13. na kraju, umjesto tačke stavlja zapeta i dodaju riječi: "dostavljanjem kopije ugovora o medijaciji."

#### **Amandman VI**

U članu 19. stav 3. iza riječi: "ako postoje" dodaju se riječi: "ili se u toku postupka pojave".

U članu 19. dodaje se stav 4. koji glasi: "Pisanu ili usmenu izjavu stranke o prekidu medijacije odnosno ocjenu medijatora da je dalje vođenje postupka nesvrshodno, medijator će konstatirati u formi posebnog akta, potpisati i dostaviti postupajućem sudu."

#### **Amandman VII**

U članu 26. na kraju, umjesto tačke stavlja zapeta i dodaju riječi: "dostavljanjem sporazuma o nagodbi."

#### **Amandman VIII**

U članu 28. stav 1. iza riječi: "ili je imao" dodaju se riječi: "odnosno ukoliko se u međuvremenu pojavi".

#### **Amandman IX**

U članu 29. broj "27" mijenja se brojem "28".

#### **Amandman X**

U članu 31. dodaje se stav 2. koji glasi: "Licu koje sa uspjehom završi obuku za medijatora izdat će se odgovarajući sertifikat koji služi kao osnov za upis u registar medijatora."

#### **Amandman XI**

Član 33. ce briše.

#### **Amandman XII**

U članu 24. briše tačka i dodaje tekst: "i službenim glasilima entiteta i brčko distrikta BiH."

3. Većinom glasova prihvatila tekst Prijedloga zakona o postupku medijacije, kako ga je predložilo Vijeće ministara BiH sa prihvaćenim amandmanima i

4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

#### **Ad. 14. Prijedlog zakona o sprečavanju pranja novca, predlagač Vijeće ministara BiH,**

Postupajući po zaključku Predstavničkog doma, Ustavno-pravna komisija je ponovo razmatrala Prijedlog ovog zakona imajući u vidu smjernice Doma.

Prije početka sjednice poslanik Filip Andrić je uložio amandman na član 7. Prijedloga zakona i u amandmanu naveo svoje primjedbe iznešene na sjednici Doma, što je i bio razlog da Predstavnički dom od Ustavno – pravne komisije zahtijeva razrješenje dilema i podnošenje novog izvještaja. Međutim, poslanik Filip Andrić je potom u pisanoj formi povukao uloženi amandman, prihvatajući obrazloženje predlagača zakona da će se sporno pitanje regulirati instrukcijom nadležnog ministra.

Cijeneći navedeno Komisija je nakon kraće rasprave utvrdila:

1. Da u vezi sa Prijedlogom zakona o sprečavanju pranja novca nema dilema i spornih pitanja,

2. Komisija predlaže Domu da Zakon o sprečavanju pranja novca usvoji po njenom ranijem izvještaju od 16.04.2004.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Na osnovu više prijedloga članova Komisije predsjedavajući je nakon ove tačke dnevnog reda u 15,40 sati prekinuo sjednicu i nastavak zakazao za 09,00 sati u srijedu 05.05.2004. godine.

**Nastavak 26. sjednice** je održan 05.05.2004. godine s početkom u 09,00 sati.

Sjednici su prisustvovali članovi Komisije:

1. Mirsad Ćeman,
2. Martin Raguž,
3. Seada Palavrić,
4. Ivo Miro Jović i
5. Beriz Belkić.

Odsutni su bili članovi Komisije: Petar Kunić, Nijaz Duraković, Momčilo Novaković i Tihomir Gligorić.

Sjednici su prisustvovali: predstavnici Vijeća ministara BiH: Niko Grubišić i Mijo Katana.

Sjednici je prisustvovao sekretar Komisije Milan Zjajić, i Golijanin Nevena - student stažista.

**Ad. 15. Inicijativa Kluba poslanika HDZ-Demokršćani na temu ustavnog uređenja i eventualnih ustavnih promjena – priprema stajališta za javnu raspravu,**

Nakon duže rasprave u sklopu koje je Martin Raguž u ime predlagača obrazložio Inicijativu, a učešće su uzeli svi prisutni članovi Komisije, naglašavajući da se radi o jedinstvenoj diskusiji i za sljedeće dvije tačke dnevnog reda Komisija je jednoglasno (glasovima pet prisutnih od ukupno devet članova Komisije) utvrdila sljedeće:

1. Inicijativa je pokrenuta od ovlaštenog predlagača (član 8. u vezi sa članom 15. Poslovnika doma),
2. Sadržaj Inicijative i rasprava na predloženu temu imaju uporište u odredbama člana X tačka 1. Ustava Bosne i Hercegovine, člana 36. tačka 1. a) do d) u vezi sa članom 110. i članom 111. Poslovnika Doma kojima su utvrđena ovlaštenja za predlaganje amandmana na Ustav BiH i procedura promjena ustava.

Kako je sadržaj Inicijative "pitanje od značaja na ustavni poredak BiH", prema mišljenju Komisije to obavezuje Ustavno-pravnu komisiju da svestrano razmotri ovo pitanje što uključuje i javnu raspravu koja eventualno može rezultovati u zavisnosti od usaglašenosti stavova, amandmanskim djelovanjem na Ustav BiH ili širim zahvatom na reformi ustvano-pravnog sistema BiH.

3. U skladu sa prijedlogom Kolegija doma, kao i podnosioca Inicijative, Komisija imenuje Radnu grupu u sastavu predsjedavajući, prvi i drugi zamjenik predsjedavajućeg Ustavno-pravne komisije Predstavničkog doma, sa zadatkom da u tijesnoj saradnji sa Kolegijem Doma i ekspertima koje Kolegij može odrediti, uvažavajući i sve ranije inicijative za reformu ustavno-pravnog sistema BiH, što uključuje i konkretne amandmane kojih je već bilo, predloži Komisiji na odobrenje metodologiju i polazišta za raspravu na sjednici Doma.

4. Rok za realizovanje ovih aktivnosti je 15.06.2004. godine.

**Ad. 16. Amandmani na Ustav BiH - predlagači Elmir Jahić i Mirsad Ćeman,**

Nakon iscrpne rasprave Ustavno-pravna komisija Predstavničkog doma je jednoglasno (glasovima prisutnih pet od ukupno devet članova Komisije) utvrdila sljedeće:

1. Amandmane su predložili ovlašteni predlagači u skladu sa članom 110. Poslovnika Predstavničkog doma,

2. Amandmani se u skladu sa članom 112. tačka 1. Poslovnika stavljaju u javnu raspravu. Tekst predloženih amandmana svi zainteresovani mogu dobiti radnim danom od 09,00 do 17,00 sati u pisarnici Parlamentarne skupštine BiH, zgrada institucija Bosne i Hercegovine, Sarajevo, Trg BiH 1. ili na web stranici Parlamentarne skupštine Bosne i Hercegovine na adresi: [www.psbih.org](http://www.psbih.org).

3. Ustavno-pravna komisija će uputiti javni poziv svim zainteresovanim organizacijama i građanima da se uključe u Javnu raspravu,

4. Javna rasprava će se provesti do 15.06.2004. godine nakon čega će Ustavno-pravna komisija podnošenjem izvještaja o provedenoj raspravi obavjestiti Dom.

**Ad. 17. Amandmani na Ustav BiH - predlagač poslanik Jozo Križanović,**

Takođe nakon iscrpne rasprave, Ustavno-pravna komisija Predstavničkog doma je jednoglasno (glasovima prisutnih pet od ukupno devet članova Komisije) utvrdila sljedeće:

1. Amandmane je predložio ovlašteni predlagač u skladu sa članom 110. Poslovnika Predstavničkog doma,

2. Amandmani se u skladu sa članom 112. tačka 1. Poslovnika stavljaju u javnu raspravu. Tekst predloženih amandmana svi zainteresovani mogu dobiti radnim danom od 09,00 do 17,00 sati u pisarnici Parlamentarne skupštine BiH, zgrada institucija Bosne i Hercegovine, Sarajevo, Trg BiH 1. ili na web stranici Parlamentarne skupštine Bosne i Hercegovine na adresi: [www.psbih.org](http://www.psbih.org).

3. Ustavno-pravna komisija će uputiti javni poziv svim zainteresovanim organizacijama i građanima da se uključe u Javnu raspravu,

4. Javna rasprava će se provesti do 15.06.2004. godine nakon čega će Ustavno-pravna komisija podnošenjem izvještaja o provedenoj raspravi obavjestiti Dom.

**Ad. 18. Zahtjev Ustavnog suda BiH za izjašnjenje u postupku za ocjenu ustavnosti Zakona o izmjenama i dopunama Zakona o izbjeglicama iz BiH i raseljenim osobama u BiH,**

Komisija je jednoglasno odlučila da se ne izjašnjava na Zahtjev Ustavnog suda BiH jer je prošao rok ostavljen od strane Ustavnog suda, a Ustavni sud je već odlučivao po predmetnom zahtjevu.

**Ad. 19. Ostala pitanja**

Kako nije bilo prijedloga za ovu tačku dnevnog reda predsjedavajući je u 12,15 časova zaključio sjednicu.

*Napomena: Sastavni dio ovog zapisnika je Stenogram koji sačinjava Zajednička služba Parlamentarne skupštine Bosne i Hercegovine.*

SEKRETAR KOMISIJE  
**Milan Zjajić**

PREDSJEDAVAJUĆI KOMISIJE  
**Mirsad Ćeman**